

lectos, et immortalitatem adeptos esse, cum delectatione quadam omnium lectioni commendarentur: eos autem, qui nullam orationis commendationem haberent, ab vnius tantum sectae hominibus lectos esse, et breui tempore in contemptum venisse, omninoque cum auctoribus paullatim interiisse. Ciceronis quidem aetate, vt in Tusculana secunda c. 3. tradit, Plato reliquique Socratici, et deinceps ii, qui ab his profecti erant, legentur ab omnibus, etiam iis, qui nec eorum placita probarent, nec Philosophiam studiose consectarentur: Epicurum autem, Metrodorum, et iis similes, nemo fere, praeter suos, in manus sumebat. Neque quisquam nescit, quid philosophorum eorum libris acciderit, qui superioribus seculis parum eleganter scripsere.

Sed bene esset, si ea res libris tantum, et auctoribus obesset, non ipsi eorum argumento noceret. Nam ex eo, credo, quibusdam, in primis ingeniosis, ex iis, qui humaniorum literarum elegantia et suauitate ducuntur, usu venire, vt a Philosophia videantur abhorreere, quia inciderunt in libros incultos quosdam et horridos, de rebus difficultibus et reconditis, male horrideque scriptos. Quod si enim per se Philosophiae odio tenentur, quae est quorundam opinio, quomodo fit, vt iidem Ciceronis *Φιλοσοφούμενα*, Senecam, aliosque veteres eius generis libros, libenter legant. Quare, quemadmodum,